

飲水室文集

新編分類欽定文集全編卷十四

傳記類

句加利
受國者鳴蘇士傳

發端

或問新民子曰。子者錄人物傳於叢報。而首鳴蘇士。何也。曰。吾欲為前古人作傳。則吾中國古豪傑不乏焉。然前古往矣。其言論行事。感動我輩者。不如近今人之親而切也。吾欲為近今人作傳。則歐美近世豪傑。使我顛倒者。愈不乏焉。雖然。吾儕黃人也。故吾愛黃種之豪傑。過於白種之豪傑。吾儕專制之民也。故吾法專制國之豪傑。切於自由國之豪傑。吾儕憂患之士也。故吾崇拜失意之豪傑。甚於得意之豪傑。吾乃冥求之於近世史中。有身為黃種。而託過於白種之地。事起白種。而能為黃種之光者。一豪傑焉。曰。鳴蘇士也。有起於專制之下。而為國民伸其自由。自由雖不能使。而亦使國民卒免於專制者。一豪傑焉。曰。鳴蘇士也。有所處之境遇。始於失意。中於得意。終於失意。而所懷之希望。始於得意。中於失意。終於得意者。一豪傑焉。曰。鳴蘇士也。鳴蘇士者。實近世一大奇人也。其位置奇。其境遇奇。其事業奇。其興之暴也奇。其敗之忽也奇。要之其理想。其氣概。其言論行事。可以為黃種人法。可以為專制國之人法。可以為失意時代之人法。孟子不云乎。奮乎百世之上。百世之下。聞者莫不興起也。而況於親炙之者乎。鳴蘇士之沒。距今不過十年。吾儕去豪傑。若此其未遠也。嗚呼。讀此傳者。可以興矣。

第一節 句加利之國體及其歷史

今世界中有所謂雙立君主國 Dual Monarchy 者焉。吾中國人驟聞此語。殆不解其何謂也。雙立云者。一君主國之下。而有兩政府焉。其憲法異。其風俗異。其政府之威嚴相匹。其人民之權利相匹。語其實際。則釐然兩國也。而特同戴一君主於其上。此為近今最新奇可喜之政體。世界中現行此種政體者有二國。其一為瑞典與挪威。其一則奧大利與匈奴利也。此等國體。與英愛君主國有異。英皇之徽號。固稱為大不列顛王兼愛爾蘭王。然愛爾蘭非能自有政府也。又與德普君主國有異。德國皇位。固為普國王所承襲。德普亦各有政府。然普政府對於德政府。而有種種之權限。德政府與普政府。非平等也。至奧匈等雙立國。其情實全反是。雙立國者。實一不可思議之現象。而亦過渡時代所不得已。而最適要之法門也。而奧匈兩國。所以合而分。分而合。造成此等離奇政體者。其原因經歷若何。讀噶蘇士傳。可以得之。

請言匈加利之歷史。匈加利者。下亞洲黃種。而古匈奴之遺裔也。西歷三百七十二年。匈奴一部落。自裏海北部。西侵茲土。及紀元一千年。王國之體始備。以東方之強族。浴西方之空氣。故其人堅忍不拔。崇尚自由。千二百二十二年。始立憲法。有所謂金牛憲法 Golden Bull 者。實國中貴族與其王所訂定之條約也。篇中於軍役義務之制限。租稅條例之規定。司法裁判之制裁。一一明定之。且言國王若違此憲。則人民有可以執干戈以相抗之權利。蓋匈加利用國之精神。於是乎在。今世政治學者。動稱英吉利為憲法之祖國。而此金牛憲章之成立。實在英國發布大憲法 Magna Charta 之前三年。是世界文明政體。首創之者。實為黃人。匈加利在世界史上之位置價值。亦足以豪矣。

匈加利與奧大利之關係實自三百八十年以來。至千五百二十六年。土耳其王查理曼伐匈者六度。猙獰劫掠。殆不可當。匈王路易第二戰死。無子。其后馬利亞實奧國王菲狄能第一之妹也。以匈合奧。使並王之。自茲以往。匈遂永為奧之屬地。然菲狄能猶先向民國而誓守其憲法。乃得踐位。此後百餘年間。匈人執干戈以抗暴政之權利。未或失墜。故十八世紀以前。歐洲大陸之國民。其享自由自治之幸福者。以匈加利為最。匈加利國民。義俠之國民也。前與女王馬利亞的黎沙時代。普魯士撒遜亦德國聯邦中之一國也法蘭西諸國。聯軍破奧。女王避難於匈之坡士李尼。開匈加利國會。求救於其民。匈人激於義憤。戰聯軍而退之。其後拿破崙蹂躪歐洲。奧大利受創最劇。奧王佛蘭西士第一。亦恃匈民義俠之力。僅乃自保。匈之有造於奧。非一端矣。及維也納會議既終。神聖同盟斯立。十八百十五年事也。當時拿破崙之風潮既息。各國君主務以國民鎮壓為事。俄普奧三帝創此會盟。普相援助以防其民與人不念匈民之德。且忌而嫉之。奧相梅特涅以絕世之奸雄。外之操縱列邦。內之壓倒民氣。匈加利八百年來之民權。摧陷殆盡。水深火熱。哀鳴為之不聞。雨橫風狂。望潛龍之時起。時勢造英雄。噶蘇士實此時代之產兒哉。

第二節 噶蘇士之家世及其幼年時代

千八百二年。實歐洲一最大紀念之年也。蓋世怪傑拿破崙。以是歲即位。為法蘭西王。而歐陸中心之風雲兒噶蘇士。亦以其年四月二十七日。生於匈加利北方之精布梭省。噶蘇士名路易。Louis Kossuth。家系雖非貴族。而其父素以愛國知名。其母熱心之新教徒也。少年受教有方。故性質高尚。熱誠過人。有非偶然者。噶蘇士早慧。年僅十六。卒業於巴特府之卡文大學。

校聲名藉其嘗語人曰。丈夫志一立。何事不可成。聞者莫不數異之。十七歲始研究法律。奉職於某府之裁判所。以資習練。常游歷各地。所至必參列其法廷。閱歷益深。千八百二十二年。年僅弱冠。即以法律名家。聞於國中。乃歸故鄉。為精布梭省之名譽裁判官。其天才之絕特。實有足驚者。此後十年間。從事法律之業。又往往跋涉山海。獨適曠野。或遊獵以練心膽。演說以養雄辯。鷲鳥將擊。先修羽翮。偉人之所養。有自來矣。

第三節 噶蘇士未出以前匈國之形勢及其前輩

十九世紀之匈加利。史得三傑焉。前有沙志埃伯爵。中有噶蘇士。後有狄渥。皆國民之救主。而歷史之明星也。噶蘇士憑藉沙志埃所養成之國力。因以一鳴驚人。而其挫敗之後。未竟之業。賴狄渥以告成功。故為噶蘇士作傳。不可不並前後二傑而論之。

沙志埃。伯溫。和派也。噶蘇士則急進派也。急進派之前乎。噶氏者。有威哈林男爵。故欲知噶蘇士以前匈國之形勢。則沙威兩前輩。其代表也。

匈加利本有國會也。但神聖同盟以後。梅特涅正直全盛。專制政策。日進日盛。以為外患既不足畏。所當努力者。惟防家賊而已。思及匈人毛羽未豐。從而剪之。乃七年不開國會。凡立憲君主國。召集國會之權。皆君主掌之。

不甯惟是。又蹂躪金牛憲章之明文。添加軍隊。脅國民以服兵役。增徵租賦。數倍於前。彼義俠之匈加利人。豈肯束手坐視此辜恩非禮之行哉。於是國論囂囂。嗚與人之無狀。王

不得已。乃有千八百二十五年國會之設。時乃國會上議院。一豪傑出焉。則沙志埃其人也。國會舊例。惟許用拉丁語演說。蓋與王壓置匈人之一法門也。沙伯逆萬斛愛國之血誠。毅然脫

此箱竟當開會之日。即以匈加利語大聲疾呼。申明匈人固有之權利。應數佛蘭西士第一之失政。海潮一鳴。聲滿天地。自此以往。十五年間。自一八二五年至一八四〇年沙伯實為匈加利全國之代表。伯嘗作一書以獎厲國人曰。

嗚呼。我同胞。嗜昔光榮赫奕之匈加利。今乃陷溺至此。吾能勿悲。雖然。公等毋悲焉。奮其愛國之心。以鑄造他日光榮赫奕之新匈加利。又豈難也。

讀此數言。可以想見沙伯之為人矣。彼不徒空言也。又實行之。凡一切開民智。增公益之事。無不盡力。設民會以通聲氣。立高等學校以養人材。開新式劇場以厲民氣。演劇之事。關於國民進化者甚大。吾別有論。廣郵船鐵路。以便交通。興水利築海。以阜民財。凡茲文明事業。不遑枚舉。蓋沙伯者。貴族也。實行之經世家也。其所務者。以溫和手段。易俗移風。蓄養實力。所謂老成謀國。固當如是也。

而噶蘇士者。具如雷之目光。抱如鐵之血誠。深有見夫民族主義為立國之本。爰懷一匈加利獨立之大理想於其胸中。其不能以沙伯之所設施。而躊躇滿志。亦勢使然也。未幾而法國第二革命起。年七、八、三。電流倏忽。偏傳歐洲。匈加利亦受其影響。而急進派興。志士奔走號呼於國中曰。獨立一獨立二獨立三者。所在皆是。於是乎千八百三十二年之國會。又不得不開。溫

和派首領沙志埃伯與急激派首領威哈林男。會議數四。互相調和。乃提出協議案於國會。其略曰。

憲法者。匈加利各種法律之源泉也。不經議院之承認。而妄布法律。是與國政府之專橫者一也。千八百二十五年以來。七月之間。不開國會。是政府怠慢之罪。二也。民農工勞力

者國民之神聖也。今始以奴隸視之。毫無保護。是謂厲民。三也。選舉權者。天賦權也。成年之民。皆當有此。而妄加制限。侵害自由。四也。國會不許用匈加利語。而惟獎勵拉丁語。及日耳曼語。損匈加利之國權。五也。國文學不興。按言愛國者。本國文學最為重要。今崇拜西人者。流要以英語為學校中第一教科。本也。學校不起。窒塞民智。六也。內地工業。為苛政所困。日漸衰頹。陷民死地。七也。

國會既開。連亘四年。此等諸案。日提議。將以大行改革。拯民瘡痍。而奧王方醉夢於專制之中。視新政如蛇蝎。且恐諸案既定。而匈加利遂不可復制。於是志予駁斥。無一俯從。立憲君主定之案。必經君主批准。然後施行。國會失意之餘。憤激愈甚。感哈林男慨然曰。

嗚呼。我同胞其念之。我等所提議各件。固有利於匈民。而亦未始有害於奧人也。顧奧王一一反抗之。推其意。非以我所愛之匈加利。永世為其奴隸國而不止也。奧王實匈加利之公敵也。

此之一語。激動數百萬義俠。匈國民之耳膜。且哀且痛且憤。嘯百吟。一伸百問疾。人心中目中口中。惟牢記金牛憲章。所謂執干戈以抗虐政之一大義。蓋舍此以外。無餘望焉矣。奧政府仗威哈林。既其遠之下獄。思以警其餘。殊不知壓力愈緊。則躍力愈騰。百新黨演說於講壇。不如一新黨呻吟於牢檻。於是舉國中革命一革命。川之聲。撼山岳。而吞河澤矣。而其聲之最大而遠者。誰乎。則嗚蘇士其人。

第四節 議員之嗚蘇士及其手寫報紙

嗚蘇士之在故鄉也。聲望日隆。鋤強扶弱。恤病憐貧。閭閻之人。皆感其德。願為効死力者。蓋數

千馬。一八三二年之國會。被舉為議員。當時國會乘急激之潮流。會政府之壓虐。已成飛瀑干丈之勢。雖然。與政府頑然不顧。猶行其威權。禁各報館。凡議院中一切情形。不許登載。噶蘇士親在院中。目擊諸狀。深以國家不能備知為憾。乃以法律家舞文之伎倆。解政府告示之語曰。政府所禁者。印板耳。若點石則未嘗禁也。乃將議會事情。日為點石一紙。以布於國民。國民如早望。實如渴得飲。展轉傳誦。不脛而徧國中。與政府暗此情形。急下令曰。點石亦印刷物也。宜一併禁之。噶蘇士之熱心。既以壓抑而益增。國民望噶氏之告報。亦隨艱難而愈切。彼乃廣聘鈔胥。將其所草議院日記。加以論評。手寫之以應求者。且復於政府曰。是書簡。非報章也。政府無論若何橫暴。豈有權禁我不發一信耶。政府無如之何。於是國家墨跡報。遂風靡全匈。每次發行。至一萬分以上。眈然僻壤一書生。逐一躍而為全歐奸雄。梅特涅之大敵矣。

當此之時。噶蘇士之強毅刻苦。有使人驚絕者。拿破侖一晝夜睡四小時。舉世傳為佳話。而噶蘇士此際。每晝夜僅睡三小時耳。嗚呼。偉人乎。偉人乎。豈徒其心力強。其腦力強。蓋其體魄亦必有太過人者。有志天下事者。亦可以知所養矣。

與政府視噶氏為眼釘。為喉鯁也久矣。顧重犯眾怒。未敢逞與為仇。以為議院期滿解閉之後。而其鈔報。亦當停止也。姑少俟之。乃噶蘇士於閉會之後。復移其報館於彼斯得省。而廣記省議會府議會之事。其筆溫厚。鑄禹鼎之筆舌。仍旋盪而不停。其呼風雨。泣鬼神之文章。且光芒而益上。政府既已處騎虎難下之勢。而彼亦自知奇禍之不遠矣。日者。偶攜一友。散步於布打城外之野。指牢獄之石垣而言曰。

吾不久將為此中之人。雖然我同胞若由我而得自由。吾雖為此中之鬼。所不辭也。

時急進黨既失威林哈男。噶蘇士遂有為全黨首領之觀。其慨然犧牲一身。以供國家。蓋十年以來之素志。自審既熟矣。鼎鑊甘如飴。求之不可得。男兒男兒。不當如是耶。

果也奇禍之至。如彼所期。與政府遂以一八三七年五月四日。連此大逆不道者。繫之於布打城之獄。此後龍跳虎擲。噶蘇士失其自由者。蓋三年。時三十七歲也

第五節 獄中之噶蘇士

塞翁失馬。安知非福。此中國之恒言也。噶蘇士之下獄。其所志一挫。雖然。此三年中。內之修養。其精神。而進德愈加勇猛。外之蓄積其聲望。而國民亦擊壤懷思。蓋為其將來大飛躍之地步者。不少焉。試觀其獄中筆記內一節云。

獄中之第一年。一書不許讀。一字不許畫。誠無聊極也。第二年。始許讀書。然政治時務之書。尚一切禁之。吾之嗜政治時務書。固也。雖然。既已不得。則亦不可辜負此許讀書之權利。反覆思維。莫如先學英文。乃向獄吏乞得英文典。英詞字典。及索士比亞之詩文集各一部。讀之。既無教師。惟憑自悟。乃依文典以讀索集。每讀一葉。必求全通其意。毫無疑議。乃及他葉。蓋讀第一葉。費兩禮拜云。此後凡二年間。專從事於英文學。盡解其趣味。而精神之修養亦大增。

索士比亞 Shakespeare 集者。英文學之精髓。英人所稱為通俗之聖經者也。索士為英國第一詩人。精讀其書者。皆噶蘇士既通英文。以增其學識。復養人格。以高其品性。獄吏之有造於噶氏者。不亦能知之。

大耶。加以其被逮之時。彼所播文明種子。既已徧於國中。聞者莫不扼腕流涕矣。而當其對簿法庭。激昂慷慨。自辯無罪。而叱政府之非禮。其言論風采。長印於全國人之腦中。故此三年間。其身。在黑暗之中。而其聲名。如旭日昇天。隆隆愈上。國民無一日而或忘也。自都會游說之士。以及山谷扶杖之民。輒引頸攘臂曰。救噶蘇士。救噶蘇士。所在皆然矣。

噶蘇士投獄之翌年。奧政府因埃及土耳其事件。不得不增軍備。欲募兵一萬八千於匈加利。奧王乃復開國會。具案以請於匈人。匈人疾王之反覆無常也。無事之時。則蹂躪我權利。繫捕我恩人。一旦有事。輒欲借我兵力。是烏乎可。乃於國會未開以前。先開一大會。採國民之意向。選委員以與政府交涉。略謂政府若能廢虐政。而釋威哈林噶蘇士。則匈民惟政府所命。而匈之溫和黨。又別具案以忠告政府曰。匈加利之國情。一如委員所述。政府非讓步。則欲事之成難矣。惟救免噶蘇士一事。則不可從。噶蘇士猛虎也。一旦出山。其氣將不可當云云。觀此亦可。知噶氏人物之價值何如矣。與政府之接此兩案也。躊躇未決。而國會之期已至。討論六月。異議百出。而政府所希望之目的。卒不可得。達宰相梅特涅。苦思焦慮。知非釋免噶蘇士等。而所事終不得究。於是出獄之命遂下。

千八百四十年五月十六日。是匈加利國民迎其恩人於布打獄城之一大紀念日也。萬眾簇擁之中。獄門開處。見彼目炯炯神奕奕之噶蘇士。以右手攜一白髮之髻者徐步而出。歡呼之聲。忽震山岳。噫。此誓為誰。即當年在國會掀髯鬚鬢聲淚俱下。直斥奧王佛蘭西士為匈加利公敵之威哈林男爵也。從噶蘇士之後者。有狂夫一。有溺於死者三。皆急進黨中之錚錚者。曾

叱咤風雲。為國前驅者也。義俠之匈加利民。搵一掬之淚。以迎其愛國者。於萬死一生之中。嗚呼。其感慨何如哉。

第六節 出獄之五年間

噶蘇士之出獄。暫退居於山水明媚之地。回復其疲瘁之體氣。其時仰彼聲望。思與聯姻者。踵相接。其間或有溫和黨之貴族。倩襄修而致詞者。噶氏毅然排斥之曰。彼雖佳人。但其父結繩而縛。彼已久矣。卒以千八百四十一年。與同志某之女公子結婚。而其年復應某書肆之聘。出一報紙於彼斯得省城。即有名的彼斯得報 *Pest Times* 是也。曠昔噶家墨蹟報。既震撼全匈。今此報以主筆噶蘇士之名。不數月而銷行數萬分以上。勢力磅礴。更倍於前。至千八百四十三年。國會之開。噶氏遂立於彼斯得議員候補之地位。政府忌其入選也。百方排斥之。卒為溫和黨候補者所攙奪。千八百四十四年。奧國政府更易。自由黨被黜。而帝黨代之。益行專制之政。悍然直以匈加利為其奴隸。其法律之最無理者一條曰。

自今以往。匈加利人除奧國所製造之物品。不許輸入他國之貨。

匈加利所製造之物品。雖一物不許輸出於奧國。

蓋彼等欲藉此法律。以保護奧國之工商業。其不解平準之真理。愈謬固可笑。其不顧人民之權利。橫暴尤可憤也。噶蘇士乃憑藉彼斯得報之力。大聲疾呼。喚起國民全國之工商家。群起應之。設一大會以抗政府。其會之決議曰。

我匈加利人。自今以往。苟非到奧國政府改此法律之日。決不許買奧國之貨物。

此決議既行。與國之工商。反大蒙損害。馴致無量之製造廠。自與國移設於匈境內。政府莫能禁也。於斯時也。噶蘇士之運動最烈。而為國失明之威。哈林男爵亦獻其既廢之身。東奔西走。嗚政府之罪狀。革命之機。如箭在弦矣。

匈人商工大會之既成立也。與政府苦之。不得已於千八百四十七年。復召集匈加利國會。彼斯得省。例當選議員二名。其一。則當時人望最高。而諸黨所共戴之巴站伯爾也。其一。則諸黨所競爭。凡候補者三人。一曰巴拉。二曰星拉黎。三則噶蘇士也。政府忌噶氏如蛇蝎。復竭力沮之。黨於政府者。咸屬意星拉黎。乃星巴二人。聞噶氏之將為候補人也。相與謀曰。吾輩承乏議員。將以為國家之前途也。鷲鳥累百。不如一鶚。噶蘇士若出。吾輩不可不避賢路矣。乃悉自辭其候補。於是噶蘇士復被舉為議員。國民歡呼之聲。修徧都市。而與政府聞之。若新得一敵國。惴惴不可終日矣。

當時匈加利政界。分三黨派。一曰溫和黨。沙志埃為之魁。二曰急進黨。噶蘇士為之魁。其三則社會黨也。溫和黨之主義。務與與政府聯絡。徐圖改良。社會黨之主義。務破壞現時文物之制度。各行其新理想。惟噶蘇士一派。別出機軸。即盡其力之所及。提出種種法案。迫政府以實行。若其不省。乃更出他途。非萬不得已。不用破壞手段也。以故此派。常能調和於溫和社會兩黨之中。使全國一致。皆此之由。

第七節 菩黎士堡之國會

千八百四十七年十一月十二日開國會於菩黎士堡。以翌年四月十一日開會焉。此次國會

實近世匈加利中史最重要之部分。亦噶蘇士傳中最快烈之生涯也。奧王腓的能第五臨幸議院舉行開會之典。見奧人之眾怒難犯也。宰相梅特涅勸王以籠絡之策開會救語。加謹慎焉。雖然熱誠機智之匈國民。豈為其甘言醜態所能動者。下議院之風潮。竟為噶蘇士所指揮。有一擊千里之勢。

硝藥滿地。待火線而爆。馬洪濤噶堤。乘蟻穴而轟馬。天不忍匈民之無告也。天不忍全歐洲各國民之無告也。千八百四十八年二月二十三日。一聲霹靂。巴黎之第三革命起。

三月二日。法人流其王於英。而此革命軍之詳報。亦以其日達於普黎士堡馬。愛自由於專獨立之匈加利人。受此影響。砰然若增萬匹之馬力。氣縱萬丈。不可復制。

三月四日。一議員以國家銀行失信用紙幣。不能通行之故。質問於政府。凡國會皆有政府大臣。列應議員之質

問。政府方欲答辯。噶蘇士忽從容起立。振懸河之雄辯。痛數政府之罪惡。謂鈔幣所以失信用。於匈加利及波希米亞。Bohemia實證明政府於財政上無能力也。乃更單刀直入而昌言曰。

我匈加利建獨立之政府。行獨立之財政。是當今之急務也。匈加利者。匈加利人之匈加利。我同胞有自治之權利。有自治之責任。非他人所能代也。

此滔滔汨汨。轟轟烈烈之一段演說。如擲斗大火球於國會。爆發堆中。革命之氣。若劍出匣。滿院議員。直將其保守之念。擲向九霄雲外。噶蘇士乘此機會。揮全力以行生平之所志。將所草擬改革革命三十一件。悉行提出。無論溫和黨社會黨。咸贊成之。並舉其案之重要者如左。

第一 定匈加利自治政體對於匈加利議會而創立一責任政府也。按責任政府者政府對於議會而負責任

即議會得代表人民以課政府之功罪也

第二 貴族之特權一切廢棄也。

第三 廓清封建制度之餘習。以土地為公有。廢地主之特權。使國內勞力之人不為他人

所分利。而國家別籌經費。賠償地主。以保障農民之完全自由權也。按此與中國古者均田之制頗相似近世

社會主義之學者言其法理甚詳各國雖如其美無此事體大至今未有能實行者也

第四 信教自由之權利十分保全也。

第五 匈加利自置國民軍也。

第六 言論自由之權利不得侵犯也。

第七 杜蘭斯哇省。按與今南非洲與英構兵之國同名編入匈加利國也。

第八 租稅不得畸輕畸重。務平分以負擔國費也。

第九 凡納所得稅者。按所得稅者英名 Income Taxes 而人民皆得有選舉權也。

法國二月之革命。不特影響於匈加利而已。歐洲列國民政之機運實皆至此而成熟也。普黎

士堡國會決議之日。正維也納奧都市民倡義之時。民賊梅特涅僅以身逃。國王狽狼不可名

狀。丁此際也。而吾儕所敬所愛所夢想所崇拜之絕代偉人噶蘇士者。以匈加利國民總代表

之資格。攜國會決議案三十一件赴奧都。

三月十三日。噶蘇士至維也納。即梅特涅奔逃之同日也。奧都革命黨既擴內靈。復得外援。額

手歡呼喜可知矣十五日噶氏謁奧王於宮中數萬人民沿道為羣握其手者禮其額者不絕於目噶蘇士萬歲之聲不絕於耳奧王惴惴慄慄接見此偉人於四面楚歌之裡以且羞且怯之語詰問其議案之要領噶氏則滔滔雄辯為之說明奧王敢怒而不敢言能憤而不能拒乃以翌十六日悉報曰可且從噶氏之所推轂以彼斯得省代表人巴站伯爵為匈加利國首相使組織政府巴站直受之奏報新政府之職員如左

總理大臣

伯爵路易巴站

內務大臣

巴達郎士梅利

戶部大臣

路易噶蘇士

司法大臣

佛蘭西士狄渥

軍務大臣

將軍拉薩美梭羅

商務大臣

瓦波格樓沙

工部大臣

伯爵士的英沙志埃

文部大臣

男爵伊亞莎多士

外務大臣

公爵坡兒埃士達哈志

按匈加利其時未為獨立國此外務大臣不過專司與奧大利交涉之事耳

是役也網羅溫急急進兩黨之名士沙志埃噶蘇士狄渥之三傑相携比肩於一堂蓋自有匈加利史以來所未有之盛業也噫嘻有志者事竟成國民不當如是耶大丈夫不當如是耶雖然此政府者不過回復匈加利自治之精神耳而匈加利之隸屬於奧王麾下如故也奧王以其王族士的英伯爵與沙志埃同爵同名為匈加利總督代表國王之權利義務如故也四月十一日為國會散會之期奧王復親臨善黎士堡以馬哥耶語而匈加利多數人迷散會之勅辭於新政府大臣列席之前而國民既達多年之宿望復自治之權利思亂之心亦稍熄矣

第八節 匈國之內亂及其原因

使與王而審民族之趨勢。因輿情之順潮。自茲以往。君民一心。以圖國運之進步。則豈惟匈民之福。抑亦帝室之利也。雖然。王之許匈加利以自治權也。豈其本心哉。自於維也納革命黨內外之夾擊。聊以此緩禍於眉睫耳。未幾而本國革命。已被鎮撫。肘下之毒蛇。方去。心中之鬼蜮。旋生。遂復運其機智。思以顛覆匈加利新政府。而其所以顛覆之之術。則何如。蓋匈加利國最大之缺典。即合許多異種之民。以成國。而無所統一是也。試舉其概。

匈加利國民總數

一四六五五四七四八

內馬哥耶人

五〇〇〇〇〇〇

華拉焦人

二三一七三四〇

撒遜人

一四二二一六八

士羅域人

二二二〇〇〇〇

盧善人

三五〇〇〇〇

活德人

五〇〇〇〇

格羅人

一三五二九六六

塞爾維亞人

九四三〇〇〇

蘇格拉和尼亞人

一〇〇〇〇〇〇

然則匈加利人口一千四百六十五萬之中。馬哥耶人雖占其最多數。然不過三分之一強耳。其他三分之二弱。則自群異種而成立者也。奧王利此政府為馬哥耶人所建設也。乃謀煽動

此諸異種自其內而伐之有敗類之報館主筆者某格羅人也。旅居於奧都維也納。承奧政府之鼻息。竊往格羅士亞省。說格羅人使破匈政府。其言曰。匈加利者。匈加利人之匈加利。非馬哥耶人之匈加利也。今馬哥耶一族。猥張其說。其在國會也。廢公等所通用之拉丁語。而以馬哥耶語代之。其所施設。惟馬哥耶人之利是視。彼之強。則我之弱也。公等格羅之好男兒也。何故甘伏屈於馬哥耶人新政府之下耶。獨立乎來。馬哥耶人能獨立於奧政府之外耶。嘻。此等似是而非之言。實最能淆格羅人之聽者也。果也。全省靡然。惑於其說。反叛之旗忽起。時五月中旬。距新政府之成立未兩月也。

六月上旬。塞爾維亞人復開省會。合同種人九十四萬。以抗新政府。且宣言自今以往。視馬哥耶人為公敵。馬哥耶人之居於格羅士亞。塞爾維亞兩省者。無端而遇襲擊。焚廬舍。奪財產。姦婦女。殘酷殆無人理。新政府聞亂。先遣兵於塞爾維亞。未平而警報續至。曰。庇納省叛。杜蘭斯哇省叛。曰。撒遜人叛。曰。蘇格拉和尼亞人叛。曰。南方及西南諸洲悉叛。新政府一面派鎮撫之兵於四方。一面以實情通報於奧政府。奧政府喜匈人之中其計也。而尚以機會之未成熟也。陽言叛民之可嫉。而聲稱必助匈政府。特派埃拉志男爵率兵向格羅士亞。若來協力助勤也者。埃拉志者。格羅士亞產。而前者伊大利之役。曾率格羅兵以立戰功者。奧政府之遣彼也。以鎮撫叛民為名。而實則饋叛民以一首領也。故其將達格羅士亞也。格人以滿腔親厚之情。歡迎之。直開省會。宣言格羅士亞之獨立。而戴埃拉志為統將。埃拉志亦受之。而無難色焉。匈政府得報大驚。以告於奧政府。而詰責之。奧政府則以空言詭埃氏之無狀。曰。吾將罰之。吾將罰